

國

朝

列

卿

紀

國朝列卿紀卷之六十

南京刑部左右侍郎年表

彭廷敬

陝西寶雞人舉人永樂十九年任右二十一年左致仕

金庠

南直隸長洲人進士永樂二十二年任右宣德元年致仕

俞士吉

浙江象山人舉人宣德元年任右

成均

南直隸盛城人歲貢宣德三年任右

葉春

浙江海鹽人邑掾宣德五年以刑右改任本年以疾致仕

段民

南直隸武進人進士宣德七年任右九年卒於官

吾紳

浙江開化人進士宣德九年任右改南京禮部右侍郎

包懷德

浙江蘭谿人舉人名珣正統六年任右七年謫戍雲中

鄭泰

南直隸舒城人景泰元年任左改南京吏部左侍郎

姚夔

浙江桐廬人景泰元年任右歷吏部尚書

齊韶

山西廣靈人舉人景泰三年任右天順元年閑任

姚夔

見前天順元年復調任右

朱釗

人天順元年任右七年閑任

廖莊

江西吉水人進士天順七年任右改刑部左侍郎

王恕

陝西三原人進士成化四年任左歷陞吏部尚書

林鶚

浙江太平人成化六年任右改刑部右

金紳

應天上元人進士成化十一年任右十四年出視江西十六年還任卒於官

張瑄

見本部尚書成化十四年任左

陳

儼

江西廬陵人進士成化十八年推右未任

盛

顯

南直隸無錫人進士成化十八年任右改山東巡撫右副都

阮

勤

交趾多翼人進士成化二十二年任左弘治三年致仕

邊

鏞

北直任丘人舉人弘治三年任右

徐

懷

浙江建德人天順庚辰進士弘治四年任右

蕭

禎

江西泰和人進士弘治七年任右陞南京工部尚書

熊

懷

江西豐城人進士弘治十年任右十一年致仕

潘

蕃

見本部尚書弘治十一年任左

金

澤

應天江寧人進士弘治十二年任右陞南院右都御史

樊

瑩

見尚書弘治十四年任右十六年命兼僉都巡視貴州雲南

張

樵

陝西寶雞人進士
弘治十六年任左

王鑑之

浙江山陰人進士弘治十
八年任右陞刑部尚書

劉憲

湖廣益陽人進士正德二年
任右本年忤逆瑄昭卒于獄

沈銳

浙江仁和人進士
正德三年任右

李善

陝西隴州人進士正德三
年任右陞南京工部尚書

弋瑄

見尚書正德
五年任右

陶琰

山西絳州人進士正德六
年任右陞南京兵部尚書

郭紳

江西宜春人進士
正德七年任右

鄧璋

順天涿州人進士正德八年
任右陞南京戶部尚書

藍章

山東卽墨人進士正德九
年任右改南京工部右

邊

憲

北直隸任丘人進士正德十三年任右見本部尚書

王

縝

廣東東莞人進士正德十四年任右陞南京戶部尚書

胡

瓚

北直隸永平人進士嘉靖二年任右陞南京工部尚書

周季鳳

江西寧州人弘治癸丑進士嘉靖二年任右陞應天巡撫右都御史

高友璣

浙江樂清人弘治庚戌進士嘉靖二年任右陞刑部尚書

張

琮

應天江寧人弘治庚戌進士嘉靖四年任右陞南院右都御史

李承勛

見本部尚書嘉靖五年任右

王

軌

南直隸江都人弘治己未進士嘉靖五年任右六年轉左陞南京兵部尚書

王

曠

浙江黃巖人弘治壬戌進士嘉靖六年任右改南院右都御史

邊

貢

山東歷城人弘治丙辰進士嘉靖八年任右陞南京戶部尚書

周

廣

南直隸太倉人弘治乙丑進士
嘉靖九年任右十年卒於官

胡

璉

南直隸沐陽人弘治乙丑進士
嘉靖十一年任右改戶部右

周

用

見本部尚書嘉
靖十二年任左

王

燿

見前嘉靖十
三年再任左

王

浚

浙江建德人正德戊辰進士
嘉靖十八年任右改刑部右

衛

道

河南葉縣人正德甲戌進士嘉
靖十九年任右二十年致仕

文

明

江西宜春人錦衣衛籍正德丁丑進
士嘉靖二十年任右歷陞工部尚書

郭

持平

江西萬安人正德丁丑進士嘉靖
二十二年任右二十四年閑任

王

大用

南直隸儀真人正德戊辰進士
嘉靖二十四年推右未任閑任

任

惟賢

四川閬中人正德甲戌進士嘉靖二
十五年推右未任閑任詳撫治鄖陽

顧遂

浙江餘姚人正德丁丑進士嘉靖二十五年任右二十七年開仕

魏有本

浙江餘姚人正德辛巳進士嘉靖二十七年任右二十九年推右都乞致仕未任

張時徹

浙江鄞縣人嘉靖癸未進士二十九年推右未任改兵部歷南京兵部尚書

虞守愚

浙江義烏人嘉靖癸未進士二十九年任右三十年開仕

鄭漳

福建閩縣人正德丁丑進士嘉靖三十年任右三十一年開仕

盧勳

見本部尚書嘉靖三十二年任右

張泉

江西進賢人嘉靖丙戌進士三十三年任右

曾鈞

江西進賢人嘉靖壬辰進士三十四年任右三十六年致仕

錢邦彥

見本部尚書嘉靖三十六年任右

張永明

浙江烏程人嘉靖乙未進士四十年推右未任歷都察院左都御史

何遷

湖廣德安衛人嘉靖辛丑進士
四十年任右四十年開住

王廷

四川南充人嘉靖壬辰進士四
十二年推右未任改總督漕運

萬虞愷

江西南昌人嘉靖戊戌進
士四十二年任右改刑部

葉鏜

江西上饒人嘉靖辛丑進士歷
刑部左侍郎四十二年調任右

徐陟

直隸華亭人嘉靖丁未進士四
十五年任右隆慶元年致仕

吳悌

江西金谿人嘉靖壬辰進
士隆慶元年任右本年卒

陳紹儒

廣東南海人嘉靖戊
戌進士隆慶二年任右

游居敬

福建南平人嘉靖壬辰
進士隆慶三年任右

李一元

直隸建德人嘉靖丁未
進士隆慶三年任右

任士憑

山東平原人嘉靖丁未進
士隆慶四年起右未任

熊汝達

江西進賢人嘉靖甲辰進士隆慶五年任右

曹二陽

直隸宜興人嘉靖甲辰進士隆慶五年任右

王正國

河南宜陽人嘉靖庚戌進士隆慶六年任右回籍

翁大立

浙江餘姚人嘉靖戊戌進士萬曆二年以兵部左起任左

王世貞

直隸太倉人嘉靖丁未進士萬曆十二年以應天府尹陞右未任

姜寶

直隸丹陽人嘉靖癸未進士萬曆十二年任右

李江

錦衣衛籍山東武定州人嘉靖己未進士萬曆十四年任右十七年致仕

朱天球

福建漳浦人嘉靖庚戌進士萬曆十七年任右

莊國禎

福建晉江人嘉靖壬戌進士萬曆十八年由江西巡撫陞右侍郎本年改戶部右侍郎

余懋學

直隸婺源人由進士萬曆十八年任右

沈節甫

浙江烏程人由進士萬曆二十年任右

吳自新

應天江寧籍祁門人由進士萬曆二十一年任右

王樵

直隸金壇人由進士萬曆二十一年任右

南京刑部左右侍郎行實

彭廷徽字

陝西寶雞縣人洪武丙子鄉舉授刑部主事

郎中永樂十九年陞刑部右侍郎二十一年致仕

金庠字養正直隸蘇州府長洲縣人永樂乙酉鄉舉登辛卯進士擢山東道監察御史二十二年陞刑部右侍郎洪熙元年調北京刑部宣德元年致仕

俞士吉字用貞浙江寧波府象山縣人父仲殷嘗夜夢得老桂古香分月窟移將天下壓羣芳之句覺而士吉生自幼岐嶷異常既長有司歷舉賢良弗就洪武丙子領鄉薦明年會試中乙榜授兗州府訓導革除中上疏論時政得失十餘事徵拜南院

監察御史出巡鳳陽徽州辯釋疑獄風聲肅然 文廟御極改

廣西道尋擢右僉都御史奉使朝鮮已復使日本返報皆稱旨

上褒賜有加永樂二年浙西大水士吉與戶部尚書夏原吉通政

趙居任大理少卿袁復奉 勅往治兼督農務時湖州被災尤

極虧糧五六十萬同事者以所虧之數反十倍於所輸欲損其

數以上士吉力爭曰欺君病民吾不忍爲也雖重得罪吾自任

之竟以實聞 上允納悉蠲其輸仍 勅發廩賑之民賴以蘇

四年坐事謫爲辦事官尋復原職 命賑恤兩浙饑荒六年出

守襄陽政清訟簡郡以大治十六年秩滿最績陞山東左叅政

未幾唐妖婦惑衆謀叛藩臬諸臣悉置於法士吉以督濟後三

衆謂可自爲計應曰背死逆命非臣節也遂就獄 上念舊臣
釋之洪熙改元入覲欲授清要之職天官卿擬以太僕寺卿
上默然良久曰渠是秀才着爲詹事後改刑部侍郎尋命清理直
隸郡縣軍伍再蒞郡事績用尤著士吉儀觀修潔舉止清雅論
議切直文采蔚然每視政他人不足已獨有餘諛之不喜犯之
不怒偉度洪量汪如也所著有櫟庵自貽藁

成均字

直隸淮安府鹽城縣人永樂六年由歲貢入太學

擢御史陞江西副使宣德三年任本部右侍郎七年遷戶部右
侍郎詳南京戶部

葉春字

浙江嘉興府海鹽縣人永樂初爲邑掾尚書李至

剛薦之授禮部主客司主事三年陞本部郎中丁外艱服闋仍舊職十一年陞兩淮運使十二年丁父憂十三年服闋補福建叅政洪熙元年命巡按浙西蘇松諸路宣德六年由刑部右侍郎改今任本年以風疾致仕

段民字時舉直隸常州府武進縣人自幼溫重穎敏喜學且其父母惟一子篤意教之故德器早成登永樂甲申進士第爲翰林庶吉士時太宗皇帝命禮部翰林院准天經之數選曾榮等二十八人就文淵閣盡出中秘書使盡其業旦暮給大官饌又月給膏火之資蓋期之於大用而民與焉民祇體上意益

勵弗懈而文學大進與修永樂大典丁內艱去服闋除刑部山

東清吏司主事授承直郎涖官廉慎而明敏克勤恒存哀矜惻
怛之心處疑獄必歸於厚麗郡者咸以得君爲幸踰年扈從赴
北京召修四書五經及性理大全書成被重賜復還刑部陞
郎中益精獄議尤爲尚書所重凡大獄及部奏章必屬囑乃上
在刑部八年山東妖婦唐賽兒作亂三司官以縱寇誅召廷
臣簡代者共推舉數人授民山東布政司叅政同舉有畏難者
民曰竭力以共吾職耳何足計利害哉下車數載宣德意整飭
紀綱撫綏殘限刻革宿弊政理一新吏民悅戴居二年召同考
禮部會試人服其衡鑑又三年召赴闕命以本官署戶部右
侍郎之南京是時車駕在北京久南京諸司習於翫愒任錢

穀刑名者其務叢脞尤號不治至則躬勤率之莫敢或違始若
扞格已而服從咸修其職明年實授本部右侍郎又明年改刑
部其振起作新一如戶部罪人間民至皆相慶於獄伸抑疏滯
浹旬之間聲譽用彰三年以績最 賜誥授嘉議大夫得寒疾
數日小差矣將出視事左右謂未可以風曰數百人困坐獄中
翹跂待我奈何可自佚哉強出二日疾復作遂亟有問之者答
曰不能報 上恩矣如老母何言已卒

今言曰宣德三年 勅南京刑部侍郎段民考察在京百司以
民廉介端謹也永樂二年庶吉士與修永樂大典除刑部主事
又與修五經四書性理大全十九年山東叅政是時索唐賽兒

急盡逮山東北京尼旣又盡逮天下出家婦女先後幾萬人民
撫定綏輯曲爲解釋人情始安 上再征虜 勅民舟車轉餉
節約曲算省民財力不擾事集 上在道中 勅民與巡按御

史考所過郡縣吏

增

吾紳字叔縉浙江衢州府開化縣人永樂二年進士選入翰林
九年除刑部主事十六年陞郎中十八年陞行在禮部右侍郎
命初下 文皇帝顧謂尚書呂震曰此朕昔所造就今日得人用
矣於是自六卿以下皆走賀於其家紳一室蕭然罔有治具惟
再進茗啜而已司寇公曰叔縉欲學向敏中耶衆皆笑而起明
年以奏對忤 上旨俾出叅政廣東宣德四年復入爲行在禮

部右侍郎明年改任南京刑部 命考福建藩臬郡縣諸司之

官存黜之尤愜輿論正統五年復任南京禮部右侍郎詳南京

禮部

包珣字懷德以字行浙江金華府蘭谿縣人永樂丁酉舉浙江鄉闈卒業成均居無何拜雲南道監察御史直言正色侃侃立朝理獄必求其情人稱其無冤其存心尤仁厚友人爲京秩妻死無子止一女方齠適珣使外其友病篤念珣不置口遂遺囑置衣篋中戒僕曰此篋必候包公至發之珣拜見其書大慟且知有托孤意乃極力營其喪葬育教其女踰已出及筭擇同里宦族子歸之同官一人逮獄危急密以黃金百兩白倍之置諸

束中見寄時無知者踰月其人瘞死於狴犴遊其鄉之仕宦者併其孤焚香誓心出其物以付之封記如故無錙銖遺人服其不欺嘗巡歷遼東福建江西廣東諸郡廉公明恕正已正人吏畏民懷所至有聲宣德乙卯幾丸載薦章交請欽陞河南按察使益大展其素蘊斷獄平允人目爲龍圖後人嘗有躡麴工暮夜被刺莫知誰何有司誣執一人拷訊不服珣廉得其人竟服辜一藝人善裝潢一日昧爽赴憲司執役道經陋巷被人中傷投井中汲者聞井中有咿嚶聲急告於珣珣曰此人必未死令人懸縋繫紙筆令書其人果血模糊書殺我者某某捕盜至則人死矣遂寘於法人益稱其神明又軫念客死及無葬者乃

捐俸金置義塚方四十里凡枯骸遺骼咸令掩藏之仍令屬邑一如之平生力行陰德類如此正統辛酉蒙恩驛召至京陞

刑部左侍郎未幾謫雲中丁卯歲十二月二十有八日以疾卒

鄭泰字

直隸廬州府舒城縣人永樂辛丑進士擢禮科給

事中直言敢諫不避強禦正統中陞吏科都給事中十四年已

巳之變時進讜言景泰元年陞南京刑部左侍郎五年夏四月

朝覲黜陟已竣事吏部具兩京堂上官以請上曰此乃出自

朝廷親擢者不必動御史張瑄復建言欲將在京大臣黜一二人

上不從泰復奏請別邪正以勵名節宜密遣清正人員廣詢博訪

上亦不從時議謂泰等有所窺伺故附張瑄之議六年改南京吏

部左侍郎詳南京吏部

姚夔字大章浙江嚴州府桐廬縣人正統壬戌進士擢吏科給事中丙寅持節冊封晉府徐溝等王夫人以疾卒夔奉柩南歸遠近從遊士雲集多所造就服闋復舊任己巳英宗北狩國勢危疑羣臣勸郕王進議未決詢諸六科夔曰朝廷任用大臣正謂社稷計何必詢諸小臣衆乃詰文華殿懇請事遂定十月虜大舉進逼京城衆議戰守不一夔言兵敗之餘只宜固守伏兵歸路擊之遂上疏遣人間道齎勅宣府遼東令總兵官楊洪曹義各選勁騎刻期以進與京軍內外夾擊未幾洪義果統所部兵來賊聞一夕遁去景泰庚午春廷臣交章薦

夔才堪大任陞南京刑部右侍郎時刑部規矩廢弛夔嚴肅整飭獄無滯囚壬申改南京禮部詳吏部

齊韶字

山西大同府蔚州廣靈縣人正統戊午鄉舉除昌

平縣學訓導以薦舉擢河南道監察御史

景泰三年陞南京刑部右侍郎天順元年開任

朱釗字

人

進士

天順元年任南京刑部右侍郎七年開任

廖莊字安止江西吉水縣人宣德五年進士八年遷工科給事

中十年擢刑科給事中正統六年陝西饑命往賑之率以便

宜從事賴以全活甚衆八年大理寺官屬悉以事坐累命署

寺事踰月擢大理左寺丞十一年陞南大理左少卿景泰五年

疏請朝謁南宮及加恩禮於憲廡忤旨留中不出明年丁

母憂入見命挺於廷幾死明日謫河州定羌驛承輿曳就道

天順元年英宗復位召還爲大理左少卿時母服未闋聞外

艱遂以情自陳命命祭營葬益特恩也服闋調南京大理

寺五年陞南京禮部右侍郎七年調南京刑部成化改元御史

有言莊於朝者遂引咎請老上獨知故斥不聽而遷刑部左

侍郎詳刑部

王恕字宗貫陝西三原縣人正統戊辰進士歷都察院右副都

御史撫治南陽荆襄流民時南陽豪爭礦殺人恕獲其渠魁餘

悉解散以內艱去會襄陽盜起 詔恕起復會兵搗其巢走之
及劉千斤輩作亂恕亦會王師平之大帥欲縱兵搜山恕不可
下令曰擅殺者斬復榜示流民諭使復業民爲建生祠繪像祀
之盜平遂 勅撫河南進左副都御史風采懍懍有所興革兵
民甚宜之後改南京刑部左侍郎丁憂成化八年河道淤阻饑
道不通特起刑部左侍郎總理累官吏部尚書詳吏部

林鶚字一鶚浙江台州府太平縣人登景泰辛未進士第明年
拜監察御史丁丑擢鎮江知府壬午當道者以鎮江事簡而鶚
才長於治劇請以蘇州知府姚堂兩易其地 詔如其請在蘇
州僅一年超拜江西按察使又三年卽遷右布政使尋轉左庚

寅拜南京刑部右侍郎丁憂復除召爲刑部右侍郎始終歷六年再守大郡貳刑曹於兩京出入中外卒稱官守詳刑部

金紳字縉卿應天府上元縣人景泰癸酉中應天府鄉試甲戌登進士第由庶吉士授刑科給事中踰年英宗復位銳意求

治紳適掌科數召對所以寵待者甚至上嘗謂一二大臣

晡時趣其彈文卽援筆而就詞甚切當上覽而悅之方有意

留用晏駕弗果甲申憲廟嗣位進都給事中首率同列論

都指揮門達竊弄威柄罪繼會議廷中言都御史王竑剛毅

直諒可任大事宜亟召用一時達被遠謫而竑起爲兵部尚書

與有力焉紳於是益以言責自盡嘗陳時政八事一持恒久以

守新政二勤接見以論治道三納忠言以致躬行四求賢才以備任使五擇重臣以備邊患六明黜陟以儆在位七設武學以育將才八用武勇以除寇盜疏入悉見采納成化乙酉遣祀徐王滌陽王還時兩京浙江河南水旱相仍漕舟不通患不可虞乃言事宜數條用之未幾京師米價竟減而緣河盜皆散去朝廷知其才可用遂擢南京大理寺左少卿南京爲鄉里先謝絕私謁而訊鞠明敏獄囚多所平反凡十年譽望益盛乃有南京刑部右侍郎之命持法益謹每戒其屬曰民易犯法於無可矜疑者尤宜盡心且數躬視囚獄以故囚少瘐死者戊戌江西大旱詔往巡視至則先奏停力役徵收等事仍禁郡縣雖小

費不得擾民俄而新昌萬載鄱陽諸縣盜賊督捕有方竟獲其
首誅之因舉救荒之政始通鹽商增糴價漸而粟至及勸富民
補官并折收船課皆以便宜行之已而食足全活者不可勝計
歷二年還任紳既久勞於外得疾卽不起年僅四十九性至孝
南安公致仕二十餘年左右侍養不違其志與其兄綬友愛尤
篤自入官以簡約持已而待其屬必厚平生好賢不倦在江泗
時嘗行縣過廬山視白鹿書院領圯特修葺之且爲正先賢祠
祀至於學問之勤不以政冗而廢惜其年止於是而不得究其
志也所有心雪稿青瑣獻納稿江西巡視稿若干卷藏於家
張瑄詳本部尚書成化十四年任左侍郎掌部事

陳儼字時莊江西吉安府贛陵縣人景泰甲戌進士授刑部廣東司主事成化二年陞刑部司郎中六年陞山東右叅政十年陞山東右布政使十二年陞山東左布政使十四年陞都察院右副都御史巡撫貴州地方十八年陞南京刑部右侍郎未任卒於途

盛顯字時望直隸無錫縣人景泰辛未進士擢河南道監察御史掌道事一時喜事者毛舉細故攻訐陰私以張直聲顯獨太體惜人才掩其疵疾不爲已甚善類賴之嘗兩奉命出按揚時值歲大歉發倉賑之全活者甚衆復按閩時適當大比拔賢振滯是科得人爲盛英宗復辟之初權臣之冒功者鑿空

起邊釁欲樹奇功以蓋其迹率師闖塞卽還虜因乘之而入御
史欲有言同事有洩之者被先入愬於上及衆御史章上

上御便殿召衆入盛氣待之擲章付御史誦之終誦上意稍悟
重違權臣意凡列名者俱調外任顥出知保定之束鹿縣束鹿
多顯宦往往怙勢爲不法聞顥至相戒曰是嘗劾奏石總兵者
其人不可犯也顥變搏擊以爲撫循吏畏而民安之未幾丁內
艱去民俟其服闋相率詣闕乞顥顥得再任不復用刑法有爭
訟者諭之以理輒叩首聽受不復辯鄰邑聞之訟多年不決者
各來請判於顥顥折以片言各心服而去時人有清如水明如
鏡之語甲申擢守邵武移治延平癸巳陞廣西叅政專督糧餉

丙午陞雲南右布政使下外艱服闋改陝西尋遷左適歲多歉
顓調度有方而餽餉不缺十次年入爲刑部右侍郎佐其長以
明刑恒舉歐陽公求生不得則死無憾之語爲寮屬告有深文
巧詆者輒不樂之刑用是平僅再閱月調南京蓋當道者之鄉
人有欲得顓處者或以爲言顓曰吾南人往官於南固其所也
明年山東旱饑 廷議遣大臣巡撫僉曰無如盛時望者改都
察院左副都御史乘驛往顓多方設法凡前人救荒之政於今
有益者次第修舉而又因時之宜條數十策行下所司民賴以
濟賑恤之餘所儲尚百餘萬又有餘力以及於前代聖賢有功
於齊魯者爲之建祠宇以報祀之其山東之政大抵以黜貪暴

表忠良除苛政以固民心爲本在山東三年齊俗翕然以變
近七十以老疾上章乞致仕上以其情詞懇切從之馳驛歸
至徐州適所部有大獄以顛知其始終有旨命鞫之獄成後
歸詳山東巡撫

阮勤字必成交阯多翼縣人父河任山西長子典史占籍中鄉
舉景泰甲戌進士授大理評事歷司副司正成化年陞台州
府知府年陞山東右叅政十二年陞山東右布政使十四年
陞山東左布政使十八年陞都察院右副都御史巡撫陝西地
方十九年陞兵部右侍郎在部無所建明二十一年轉兵部左
侍郎二十二年調南京刑部左侍郎弘治三年致仕

邊鏞字克振直隸河間府任丘縣人父永正統乙丑進士仕至
戶部郎中童卯時隨父官京師勤苦力學寒暑無少間鄉鄰與
識者咸器之已巳北虜犯順近京之民聞風多挈家走避鏞毅
然不爲動從之者頗衆已而竟無事於是愈益器重焉長從姪
水呂學士原明書經領景泰癸酉鄉薦累試春官不捷卒業太
學選拜河南道監察御史在職一二年繩愆糾繆果著風采嘗
按南畿馬政淳安商文毅公於戶部公爲同年時召起於家道
遇之見其行事大加稱賞成化丁亥建州夷爲亂朝廷命武
靖伯趙輔等將兵討之僉舉鏞監其軍持法嚴明軍行千餘里
少有犯者抵遼陽分五路而進鏞居右腋適當勅敵斬獲復多

師還八年以功遷南通政司右叅議南京散地人咸爲鏞稱屈而鏞不以爲意益慎厥操視御史時有加焉戶部公聞鏞遷官卽引年致仕鏞在南京馳慕益切所得俸祿卽寓歸爲養未嘗自私十六年九載滿還南京大理寺少卿召爲通政司右通政未行值鄭宜人喪歸守制事戶部公曲盡子職鄉人稱其孝十八年服除仍爲通政領武職詔勅二十年用薦陞都察院右僉都御史巡撫山西地方兼提督鴈門等三關同事者或以他事干沮鏞正色曰吾繆茲倚用惟知守法而已屈法以市恩誓所不爲聞者悚然踰年虜寇大同乘勝至關下關兵力不能支甚有懼色鏞奮然督命據險設伏以待之虜至伏發不得利

而去關南地方得免虜患未幾戶部公卒鏞歸葬僉都御史四品例止有祭 朝廷以鏞在邊有功併 賜以葬超於常格服除弘治二年遷左副都御史管院事嘗上時政十有五事言皆切直 朝廷嘉之下有司議行三年改南京刑部右侍郎抵任甫數月遂引疾乞致仕既得 命卽歸屏居墓所杜門謝客非慶吊不入城市遇忌日哀慟如初喪得食品美味必聚諸昆弟然後食遠近親族婚喪貧不能舉者闕之不吝所有初不待其求亦不責報焉弘治辛酉感疾卒年七十二

徐懷字明德浙江建德人天順庚辰進士拜刑部主事進員外郎讞獄明允民稱無冤京衛百戶余瑄多貲僅一女從子梟心

利其貲因其奴婦縊死遂佐奴子誣理女通內兄疑吾母覺殺
以滅口理官鍛鍊將成獄杲復佯謀理命捐貲行賄以脫女罪
事露調覈署懷訊云是夕此婦與何人同寢曰有一媪逮媪至
得縊狀遂正杲法女寃始白又京城有以驢傭爲生者戎丁安
誘殺其人而奪之隨被邏遂誣仇家顧通者與謀加功因逮通
訴云某鬻杏度日不知他事懷訊云鬻杏何日往某市有見者
否通具土同乃左以市見安始伏罪成化丁亥擢僉江西憲臺
明慎如秋水而風力過之安福有民陳萬年者恃險爲醜號爲
洞主民間貲女搜掠殆盡官兵莫敢誰何懷至福得狀密檄隣
封千戶王杲知縣李愷領兵快以行杲愷疑激變懷怒曰汝如

檄行變生在我於是直搗其穴擒斬巨魁悉散其脅福民始安
龍泉有廖姓居隣湖湘初以僞尸賺財堡卒獲之誣以強劫廖
懼潛通親黨四百餘掩堡不備夜奪之堡卒報湖帥發兵往捕
廖遂嘯聚山澤衆且萬變間懷兼程至泉廖無反狀特爲湖兵
所激遽令散伍受降衆遂潰會廖等倡亂者十數人斬之泉民
又安南康民王姓嘗亡牛欲誣他村人牛抵亡且訟其盜助以
強佐村人不堪拷掠自誣伏公閱卷疑詞證弗比乃陰命縣官
取村人同色牛四雜所誣試會同牧者牧曰此某村人牛也他
牛不知公疑牧私村人佯令誣者領牛去牛喘怖却步不前乃
令村人領遂舐戀相隨如有所訴然誣者遂伏樂平民朱堂姪

留乞患惡疾堂恐傳染逐之一日丐市中堂見之恥誘令歸杖殺瘞之弟挺與里人丘瓘交惡瓘規挺至其鄰家欲毆之挺逃只獲其義男趙毆而釋之趙歸堂匿之而以所瘞留乞爲趙尸訟瓘坐其抵死懷履訊曰義兒當有父母或親屬令逮之堂聞遂無人色公益疑密拘果得趙瓘始白永豐民羅益鉉與其徒孔俊等數十人攻皮廬陵螺山下頗不檢偶鄉有被盜失去衣九十件首飾十數衆疑益鉉等捕其三十餘人於獄并搜其所存以抵贓謂連劫七家也拷死者七餘亦誣伏唯益鉉家赴訴於懷懷怪其劫多而贓少乃取贓衣之新製紅表藍裏者示失主益鉉云是吾妻之衣某匠製也失主云是婦之衣婦自製也

因逮匠與婦至雜他衣與別匠檢出前衣曰此衣某手製也婦猶執爲己衣懷詰縫用何色線婦曰綠色如衣匠曰表裏皆青驗之如匠色夫主又云婦於火光下覘得益鉉并孔俊貌懷出所捕者數人令婦雜視之婦指一人曰此益鉉也又指一人曰此孔俊也益鉉旣誤指孔俊已久死獄中矣捕者抵罪益鉉等俱得釋又有符邦文議故民楊成亨妻欲卽娶成亨弟集生部以新孀邦文聚衆往奪夜至集生亦聚衆拒之且誣其誣鬼林洞賊黨行劫勘報如所誣時戶部侍郎原傑奉勅督捕邦文懼舉家匿山澤聞懷行部且至亡命赴訴爲邏吏所執懷訊得奪婚狀釋令呼羣匿某日赴官審覆果如期至公審其中

學及年甚幼者遂坐邦文劫婚罪餘坐集生廣昌民饒姓與里人李毛鬪尋病卒饒子牙訟毛殺其父毛反誣牙毒父誣人都邑檢獲毛賂吏件填毒圖牙坐極刑牙家訟懷懷取原驗毒器物視之色黑令以皂筴水洗之黑去復白懷曰真毒入物則洗不去今既去豈毒耶毛無詞牙乃得免其讞獄如神類如此江右屯田積弊多端催科最大賃耕次之懷分屯卒十人爲一甲主催役年一更番周而復始則煎縮之數衆所通知催弊頓除公又以田久賃則租必遽負田必易迷乃下令責其親耕因履出迷田二萬餘畝歲增屯租三萬餘石僉秩將滿陞廣東憲副奉勅專按海瓊瓊之黎民延頸企足以相俟者久矣無何又

改湖廣換勅督屯蒸以懷在江右會理屯政故也湖地廣民
稀屯多匿稅懷與章以江右法初若不堪未一二年荒者懇湮
者復梗者順而惰者勤初年屯糧增三千一百石有奇明年又
增二千七百石又明年增二千五百越六年共增二萬六千五
百七十石有奇湖之軍興隨取隨給聖天子無南望之憂懷
力也湖民多水居易寇難獲往往白日羣掠鄉縣都憲劉懷檄
懷往懷訓練兵快所向如破竹時有巨魁饒斌者出沒徭洞恃
險爲勢十數年聞懷至卽面縛就擒餘黨悉散湖湘之民號懷
爲長城七八載間政聲籍甚上以懷不可屯局權爲憲長以
溥湖惠懷則輕車熟途百廢具舉每見臺獄滿五十人則憂形

於色必兼案疏決數月訟庭可羅雀丙午冬擢江右右方伯尋
轉左江右之民喜曰湖人還我父母矣時贛洞寇起殺傷官兵
監司帥闔畫無定策懷曰易圖也寇方猖獗難與爭鋒但更畚
據要截歸路則我壯彼老滅之必矣後果如懷言郡邑吏役率
以財勢參充纔履役卽剝民償債此寇之招也懷惟擇農民之
秀者充之財勢一無所施用是民免吏禍弘治戊申 孝宗登
極以左翊重鎮非懷不可遂召入都臺領 聖書整飭幽薊邊
備兼巡撫地方懷出郭門首嚴關界次廣儲蓄又次恤疑獄時
洪潦爲災衝崩關口九十餘處城垣五千七十餘丈墩臺四十
六座官廳樓鋪營房三百餘屋官兵盈甲鎗牌弓矢漂流無筭

公具疏 上請簡差把總有材力者十餘員帶領官兵分方督造公往來巡視不數閱月各口畫圖獻功兵器照目補足國家錢糧略不少費又其年畿甸大荒兵民失業懷恐根本動搖遠夷窺覘疏 請京通薊三倉米五萬石戶部銀六萬兩發下州縣驗口依給一時流徙人民達官舍餘諸人皆待懷為命尋又疏借 內帑金帛出為糴本分官易兌充實州縣倉廩以備後虞畿民賴之又其年八月審錄重囚懷平反矜疑十有六起所活甚多如隆慶衛戎丁楊海受亡命者宋瓚王玉等八人財賄引其越關海以石毆破瓚腦王玉輩見海身帶兇器不敢救護而去瓚昏久復蘇以此訟海訊者議謀傷人而不死亦絞懷又

辯曰瓚與王等八人同行海惟一身安敢殺之既殺胡舍其身之兇器而用石耶此必王輩有財與海而瓚獨無因與相鬪而傷耳只宜議以鬪傷罪巡撫權專任重其德澤及人又非江湖比辛亥春陞南京刑部右侍郎力疾抵任諸司屬以懷老法家凡大小疑獄必親受指揮而後填案懷疏決如流無不愜服物議部有堂卒工食銀三百餘兩益侍郎員下以埃懷者懷一無所取悉以市材僦工完造公解數十餘間今堂宇軒豁真聖一新代者可以傳居焉癸丑春年六十三卒

蕭禎字彥祥江西泰和縣人天順甲申登進士成化乙酉授南京刑部貴州司主事己丑陞湖廣司員外郎壬辰擢湖廣按察

司僉事分巡一道明決如刑部所至郡縣興舉廢墜尤好獎進人才敦勸民俗不專以簿書爲事俄苗寇竊發詔出兵勦之

文武大臣或不相能慎適以事在軍中反覆間解大臣感悟寇卒平當紀功有以婦女首級徼功者辨其僞斥之及奏捷加四品俸吉王建國長沙復督功役一時夫匠被人擾害者賴之以安巡按御史累奏上治績辛丑擢木司副使丙午擢按察使蒞湖歲久治績愈著名益起明年遂遷河南左布政使至則宣上德究民隱尤不肯以公錢曲奉權貴人人以爲難戊申弘治元年會陝西缺巡撫卽陞都察院右副都御史賜勅便宜行事當凶荒之餘民初復業加意安輯流移者益至乃內務蓄積

外爲備禦兵民晏然歲當慮囚得可矜疑者悉置輕典奏上囚免枉死又作全命錄以著 朝廷欽恤之意然是時一裨帥犯法素有聲勢爲請託者多卒論以律復以平寇功蒙 賜鈔幣辛亥遷南京工部侍郎甲寅改刑部詳南京工部尚書

熊懷字性安江西南昌府豐城縣人登天順丁丑進士授刑部主事讞獄詳明擢廣平府知府搏豪強興水利歲旱澇餓殍載道懷捐俸發廩賑之全活者甚衆丁外艱士民立生祠祀之服闋改知河南衛輝府以循良稱陞廣東叅政時龍水徭徭猖獗動大軍征勦懷給饋餉振威聲遂平之捷 聞賜以綵幣銀碗寶鈔三水徭徭復孽僚屬執之獄懷辯釋數千人進左布政使

政績茂著弘治五年遷南京光祿寺卿十年進南京刑部右侍郎十一年以老乞休卒 賜墓祭如例云

潘蕃詳本部尚書弘治十一年任左侍郎

金澤字德潤浙江鄞縣人應天江寧籍成化丙戌進士授刑部主事改南歷任郎中讞獄明允人以不寃遷四川叅議播州宣慰厚饋以金幣毅然麾之至以庶長奪嫡竟寘之法革三長官司撫安七十二寨夷民駢首歸命流賊李廣蝟聚五千餘人戮通江官吏傾其帑藏東鄉王伯榮效尤犯順焚蕩縣治澤前後設畫偵其渠魁而殲之銅梁新設民多負固撫循有方咸帖帖服夔賊野王剛鼓衆猖獗充斥湖陝 上命三省督兵會勦澤

下重賞之令竟磔剛於市歷陞廣東布政使百廢具興無何贛寇陸梁宮於近地命澤爲右副都御史巡撫江西總制閩襄南廣便宜從事澤振勵風紀嚴明節制一如命輒斬以徇流賊滿天明等一時俘馘殆盡徭徭諸蠻靡不聞風向化民至今稱保障焉弘治十二年陞南京刑部右侍郎十五年改南京兵部歷南院右都御史詳南京都察院

樊瑩詳尚書弘治十四年任右十六年命兼僉都巡視雲南貴州

張撫字世安陝西鳳翔府寶雞縣人幼敏慧讀書邑里塾中正統初有侍郎魏公驥使蜀道寶雞里塾師率諸生出迎謁侍郎

侍郎試諸生得其文大駭乃命爲邑學生曰張童子奇可大用
初治尚書一不舉而景泰庚午春改治禮記其年秋乃舉後又
改治周易舉成化壬辰進士乙未授刑部湖廣司主事而都督
同知王義廣寧侯劉銓有罪衆莫敢決決之進員外郎山西司
山西鎮守少監石岩都督同知劉寧有罪衆又莫敢決決之進
郎中山東司當是時浙江按察司副使張蕙罪惡彰聞矣使者
畏其口莫敢決又往次之進四川按察副使弘治戊申蜀大饑
出俸金易米三百斛賑之進湖廣按察使湖廣盜劇病民下令
城中曰獲盜者予俸金於是有獲盜者予俸金盜由是息進雲
南右布政使居雲南二年都御史御史交薦於 朝進貴州左

布政使其行也百姓留之涕泣居貴州二年都御史御史又交薦之進南京太僕寺卿無何進右副都御史督儲南京南京缺儲三年居逾年督完每詰 闕奏議 孝宗皇帝多俞行之乞致仕不可尋進南京刑部左侍郎其明年復乞致仕始得 命乘傳歸其鄉歸鄉三年正德丁卯卒壽八十一歲撫於吏事精多有善政方應舉時縣令餽諸生諸生受獨卻不受其妹夫餽之馬又卻不受又博極羣經靜中往往自得不以語人貌又朴見人唯唯如無能故人鮮克知之然咸知張公長者初起讀書人或未之奇至是始服魏侍郎知人

王鑑之字明仲浙江山陰人登成化戊戌科進士累官都察院

左僉都御史撫治鄖陽等處振肅綱紀所屬搆有不可容者皆望風解綬而去時有不堪者乃自草疏投於所厚近侍者謂撫治之官古之所無今之暫設者也欲取回京時有待選士效借寇故事并疏政事以謂一日不可無此官奏聞寢其事陞左副都御史巡撫湖廣奸豪膽落吏畏民懷正德元年陞南京刑部右侍郎未期轉刑部右侍郎歷刑部尚書詳刑部

劉憲字

湖廣長沙府益陽縣人成化戊戌進士授蕪湖縣

知縣十九年行取擢廣西道監察御史二十年丁憂二十三年補浙江道監察御史尋丁憂弘治六年補山東道監察御史十一年陞大理寺右寺丞本年轉左寺丞十五年陞都察院右僉

都御史巡撫寧夏地方招募士兵得精銳二萬尋以花馬池之捷賜金帛寧夏德之爲立生祠正德二年陞南京刑部右侍郎本年以忤逆瑾遂陷於獄而卒

沈銳字文進浙江杭州府仁和縣人成化戊子領浙江鄉薦己丑登進士第授刑部山西司主事大司寇陸瑜器重之委總諸司章牘遂擅明慎之譽丙申陞員外郎被命往鞫德州監倉事積弊頓革戊戌陞江西按察司僉事銳在兩曹久精法比故幽疑免滯迎刃而解時歲侵金詩郎紳奉命往巡視凡賑濟事宜舉以屬之旣而瑞州盜竊發以分巡其地被註誤謫雲南廣西府通判丁外艱服闋改徽州府弘治庚戌用當道薦陞廣

東僉事瀧水後山賊勢猖獗乃偕偏師搗其巢俘獲甚衆而釋
平民以千計卒無冒賞者捷 聞賜以文綺兩廣苦乏軍餉撫

臣請 勅銳專理兼覈功凡榷鹽通船之法悉心規畫無弗便

者丁內艱服闋復授江西僉事至辛酉陞本司副使素性耿介

寡合故一官五品淹延者二十有四年士論多不平乙丑陞廣

西按察使不爲峻禁而貴勢斂跡軍民用甦正德丙寅陞廣東

左布政使薦陞應天府尹戊辰陞南京刑部右侍郎奉 勅偕

司禮監官覈復信國舊賜第之被侵者復 命稱 旨未幾乞

致仕東還日以吟咏登眺爲樂顧不免於求全之毀其命也耶

年七十六所著有省齋初稿二稿二稿四稿藏於家

李善字宗元陝西隴州人成化戊戌進士授行人選爲南京廣西道御史正德元年任四川左布政使累官南京都察院右副都御史會同吏部考察南京庶官甚平乃自引乞休不許慰留之本年轉南京刑部右侍郎會尚書員缺獨理部事獄死囚三人將行刑善以未經覆奏止之明日郎報至三人者移江西巡按御史勘問衆皆歎服庚午陞南京工部尚書詳南京工部弋瑄見尚書正德五年任右

陶琰字廷信山西平陽府絳州人成化辛丑進士授刑部四川司主事弘治元年陞山東司員外郎二年陞陝西僉事六年陞陝西副使十四年陞福建按察使十七年陞浙江右布政使十

八年陞福建左布政使正德元年調山東左布政使本年陞都察院右副都御史巡撫河南地方歷刑部右侍郎本年閑住五年起左副都御史總漕運兼巡撫鳳陽等處地方六年陞南京刑部右侍郎七年陞都察院右都御史巡視浙江地方詳南京兵部

郭紳字廷章江西袁州府宜春縣人溫醇簡默蚤有文譽成化乙未登進士授海寧令興學勸農鋤強惠弱立養濟院以恤困窮葺正學祠以崇節義擢爲御史務持憲體弘治二年擢襄陽知府十一年陞苑馬寺卿歷左布政正德五年陞南京太僕寺卿六年陞南京大理寺卿七年陞南京刑部右侍郎爲人清介

不設城府人稱爲長者云

鄧璋字履方順天府涿州人成化丁未進士授南昌府推官弘治七年擢江西道監察御史歷大理寺右寺丞轉右少卿正德元年陞巡撫遼東右僉都御史智勇公勤虜人畏之三年陞左僉都巡撫宣府六年晉都察院右副都御史巡撫河南地方正德八年陞南京刑部右侍郎九年陞右都御史總督陝西三邊軍務歷南京戶部尚書詳南京戶部

藍章字

山東萊州府卽墨縣人成化甲辰進士擢御史弘

治十八年歷大理寺右寺丞正德元年轉右少卿二年陞都察院右僉都御史忤逆瑾降撫州通判五年起原職巡撫陝西時

獨搗賊寇漢中章殲其首惡餘黨悉平六年陞右副都御史照舊巡撫漢中諸路民立生祠縣府藩臬舉有功風教崇祀名宦九年進南京刑部右侍郎十年命兼僉都御史清理鹽法後改南京工部右侍郎未任

邊憲見本部尚書正德十二年任右侍郎十二年遷戶部左侍郎

王禎字文哲廣東廣州府東莞人弘治癸丑進士授兵科給事中出使安南進禮科右給事中奉勅清查南畿屯田革宿弊擢工科給事中正德初擢山西左叅政遇例裁革改雲南左叅政時逆瑾擅權牽咎罰米五百石鬻產以償瑾誅進右布政使

俄進福建左布政使遂陟都察院右副都御史奉勅巡撫應天蘇松嘉杭等郡兼督糧儲殪逆賊劉七於狼山禦姚源峒賊王浩八於徽寧獲賜鈔幣隨以乾清宮災警上陳言以咎天譴四事皆切時弊歲壬申丁內艱服闋乞終養勅起撫治鄖陽時聞武宗欲巡幸諸郡供應動以萬計有求活虎豹以獻者悉令罷之且究其爲首者襄府護衛奪民產奏下辨以還民已卯夏寧藩煽亂震擾荆襄鎮下令設守備人心獲安擢南京刑部右侍郎嘉靖紀元辭前陞俸既允隨上疏陳十事曰正心以正大本勤政以法祖德親賢以廣延訪守信以重詔令崇德以禁奢侈舉知以求賢才體仁以恤民窮修禮以正風俗裁

元員以復舊制慎刑以重人命亦多見採陞南京戶部尚書詳

南京戶部

胡瓚字伯珩直隸永年縣人弘治癸丑進士累官都察院左僉
都御史巡撫大同興利革弊剔蠹除奸宗室有遺毒地方疏其
罪錮之高墻復上邊務六事 上皆嘉納之庚辰 武宗幸大
同虜大舉入寇督官軍與戰大破之 上賜璽書褒美及蟒衣
三襲復推 恩任一子爲錦衣衛百戶瓚以沙漠之地 上不
宜久留而扈從邊兵及諸從臣各怙寵大爲邊地害上疏極論
請回 鑒至引漢袁盎諫文帝馳峻坂之論不報因乞休乃與
告歸辛巳卽家起操江留都疏陳江洋事宜大略專委任明約

東實軍伍示激賞處戰艦時操練 上皆從之尋陞右副都御
史癸未陞南京刑部右侍郎尋轉北刑部詳南京工部

國朝列卿紀卷之六十終

國朝列卿紀

卷之六十

三

六

國朝列卿紀卷之六十一

工部序

夫工部尚書者非古制也自漢文帝置尚書有民曹主凡吏民
上書後漢光武改民曹主繕修工作鹽池園苑魏置左民尚書
亦領其職晉宋齊梁陳營宗廟宮室則權置起部尚書事畢則
省後周有冬官大司空卿其屬工部中大夫二人至隋開皇三
年乃有工部尚書統工部屯田二曹唐承隋制不改龍朔二年
改爲司平太常伯咸亨元年復舊光宅元年又改爲冬官神龍
元年復舊總判工部屯田虞部水部事沿及趙宋相因不改然
皆爲尚書省屬官與周官大司空掌邦土之任固有間矣

初沿唐宋之制設工部尚書侍郎之職掌天下百工山澤之政
令仍屬中書省洪武十三年革中書省陞六部每部分四子部
各設郎中員外郎主事於是工部其屬有四曰營部曰虞部曰
水部曰屯部二十九年改營部爲營繕虞部爲虞衡水部爲都
水屯部爲屯田俱稱清吏司永爲定制然 國家自罷相以來
工部尚書侍郎卽大小司空之職歷洪熙宣德正統間吳中以
工部尚書加至少師領尚書事固隱然三公領六卿之任矣景
泰以後凡工部尚書加至三孤官保者後先相望第國家多事
土木日興加之川貴吳楚生意消鑠民力竭於採辦極矣而當
事之臣復肆侵牟不復爲生民遠慮於內豎題詠紛出不能任

怨裁抑國家何賴於斯官者耶惟工部改置北京肇自永樂辛丑其總督易州山厥肇自宣德五年初以都御史李儀董之立廠於平山正統初年改置沙魚口陳恭王永壽相繼以工部尙書侍郎督廠事及景泰四年又改廠於清縣天順元年又改廠於易州率以爲常其間雖有通政等官督廠事而尙書侍郎主之實多至嘉靖六年裁革不設今次本部各官年表於後其行實見於事紀其勳德茂著者表爲列傳

國初工部尙書總論

我 明掃定胡氛復帝王之正統一特建造 殿宇 祠廟都
城并內外各衙門俱上稽乾象下協坤輿遂爲萬世無疆丕基
雖 皇祖天縱聖能蓋自 淵衷而任工部者亦隨事稽古各
殫其長如單安仁之裁核規制安然之斟酌品級秦達之議處
班匠俱焯著國初至於定鼎北京黃忠宣持正不撓宋大本採
木有方亦可謂功在 社稷無忝於邦土之司矣後之繼是任
者思締造之艱知所以謹未雨之圖則善矣

國朝列卿紀卷之六十一

國初工部尚書年表

單安仁

南直鳳陽人國初歸附洪武元年任由將作士卿任詳兵部尚書

孫克義

人故元平章事歸附洪武二年任本年調河南行省叅政歷湖廣叅政卒於官

張允文

初薦舉二年任人洪武

李廷桂

河南洛陽人元末歸附二年任本年免

安然

河南祥符人故元左丞洪武二年任歷御史大夫

朱守仁

南直徐州人故元樞密同知洪武四年任本年出爲北平叅政歷太僕寺致仕

黃肅

五年任六年出爲廣西叅政人故元主事洪武

李敏

南直穎州人人才洪武初年舉人才六年任七年調江西行省叅知政事

薛

祥

南直無爲人國初歸附洪武八年任九年改北平布政使以營造擾民出知嘉興府後謫戍瓊州衛

王

虎

九年任十二年免

趙

翥

河南永寧人儒士洪武十年任詳刑部尙書

余

文昇

南直丹徒人人才洪武十二年任

薛

祥

見前洪武十三年再任

趙

俊

武十五年任

麥

志德

廣東連山人姓嚴洪武初年以孝弟力田舉十七年任十八年坐戶部郭桓累伏誅

徐

本

江西人薦舉洪武十八年任

潘

孟舉

陝西澄城人洪武中薦舉二十年任二十二年免

秦

遠

南直宣城人進士洪武二十二年任

沈

潛

浙江錢塘人進士洪武二十三年任改兵部

嚴震直

浙江烏程人人才洪武二十六年任二十七年坐事降御史歷都院右都御史

王

儁

洪武二十八年任

孫

顯

河南信陽人洪武丁卯舉人二十九年任

嚴震直

詳前洪武三十年再任本年致仕革除四年命巡山西陝西河南地方尋卒於澤州

鄭

賜

福建甌寧人進士洪武三十一年任改禮部

黃

福

山東昌邑人舉人洪武三十五年任改南京戶部加至少保

宋

禮

河南永寧人貢士永樂三年任四年出四川採木七年竣還京九年出澹會通河十年再命督木四川兼巡

吳

中

山東武城人國子生永樂五年任加至少師

國初工部尚書行實

單安仁一名居仁直隸鳳陽府鳳陽縣人元樞密院判官丁酉
從鎮南王孛羅普化守揚州鎮南王爲長鎗軍所逐安仁仍力
守維揚丁酉年 太祖克金陵遣人招之安仁率衆來附 上
嘉其誠授元帥守鎮江署浙江副使以其軍守常州安仁事

上忠謹克効勤勞屢從征有功辛丑年陞浙江按察使甲辰年陞
中書左司郎中吳元年調瑞州守禦千戶本年陞將作司卿洪
武元年正月諭安仁製 太祖祭器曰今之不可爲古猶古之
不能爲今禮順人情可以義起所貴斟酌得宜必有損益近世
泥古好用古籩豆之屬以祭其先生旣不用死而用之似亦無

謂孔子曰事死如事生事亡如事存其製宗廟器御皆如事生之儀於是造銀器以金塗之酒壺盂觥每事皆入朱漆盤盃二百四十兩及揮旒枕篋篋箭幔浴室皆具二月諭安仁製綿布戰衣三萬襲用紅紫青黃四色八月設六部陞工部尙書時庶務草創安仁調度有方甚稱上意二年正月諭安仁曰雞鳴山祭功臣壇於上多起房子也做廚房庫房宰殺牲池并房子但係祭祀去處務要整齊又令委官將帶工作前去壇所量基址就帶下項木料星夜併工成造本年陞兵部尙書詳國初兵部

孫克義字允宜

人故元平章事守真定洪武元年

王師平中原克義與達魯花赤級納錫彰拒守及九月聞元都
既下錫彰具朝服登城西崖上北面再拜墜崖死十月副將軍
常遇春下真定克義遁三門寨又尋走平山寨未幾來降仍守
幕下二年四月拜工部尚書本年十一月調河南行省叅政事
九年改廣東叅知政事十年卒於官

張允文字

人洪武元年擢工部侍郎時克元

都改爲北平行省允文請取北平宮室圖以進值北平行省叅
政趙耀進奏所取元宮室圖 上覽之令依元舊皇城改造王
府十一月擢代克義爲工部尚書十二月免

李廷桂字

河南洛陽人故元知州守隨州丙午天兵下中

原率州歸附擢撫州府知府當兵革之餘勤力撫字重修府治民不知勞洪武二年召拜工部尚書在部未逾月尋卒於官

安然字



河南開封府祥符縣人徙居潁州元季爲山東行

省左丞守萊州大軍下山東然率衆歸附洪武元年授起居注轉給事中尋擢山東行省叅政立心平正撫綏勤勞祿止養身餘以給公用二年召還爲工部尚書二年正月奉命於社稷壇北建祭殿五間又建拜殿五間以備不測風雨祭祀八月建議功臣守墓人戶各以本官封爵品級爲差其合用石碑石獸之數亦令有司依品級成造上從其議尋詔功臣故不建享堂墳塋葬具皆自備惟戰沒者官給之五年調河南叅政

朱守仁字元夫直隸徐州人幼有大志好讀書落落自豪視
行岸然罕所推接元末兵起江淮鼎沸應州辟累獻奇謀破羣
盜歷官至樞密同知守舒城甲辰年師攻廬州守仁知天命有
在舉城附大將徐達陛見 太祖嘉其朴茂無華授中書斷事
乙巳以袁州初附命知郡事值郡治新設瘡痍未瘳守仁禔身
廉潔撫字有方始終恢廓無畦畛民多德之洪武二年徵拜工
部侍郎越四年代安然爲本部尚書十二月詔往山東萊州諸
郡廉察官民尋改北平行省叅政又以餽餉不繼謫蒼梧知縣
九年進知容州尋改知高唐州俱有善政十年以幹治聞起四
川布政使時全蜀甫定奸伏微醜易煽守仁威令簡嚴錮酷吏

懲無良郡邑化之爭以惠利顯未及一考以疾致仕十五年雲
南平改威楚開南等路宣撫司爲楚雄府 上念漢楚雜處非
得老成持重者不足以鎮之特起知府事至則招集流移授以
田土量民貧富均賦徭使無偏累及肇建學校隨才曲成有強
梗不馴者懲以漢法歷九載境內大治及計績來朝闔郡保甯
不獲垂涕而送之二十三年廷見會監牧日蕃 太祖留心馬
政以守仁舊臣練達特拜太僕寺卿首奏准都督府等衙門各
立草場泉涿州等處牧放馬匹所轄十四監九十八羣克舉職
孳息日盛屢荷 上詔省天下寺觀惟龍泉寺以守仁奏 准
留二僧看守至二十七年聽致仕永樂仁年因朝於京遇疾

卒

黃肅字

人故元禮部主事洪武元年王師克

元都名任原職三年命署禮部侍郎事五年陞工部尙書十一

月 上諭肅等曰今後祀天地社稷山川百神所用洗牲木桶

凡用三日納工部別用臨期務用整齊十二月肅同禮部尙書

侍奉天門 上曰我聽得孟子辨異端闢邪說發明先聖孔子

之道今後還祭祀尋令肅造神位牌送國子監祭之六年正月

肅坐法當笞 上曰六卿之職不宜以細故加辱 命以俸贖

罪未幾免

李敏字

直隸鳳陽府潁州人吳元年辟舉人材入見稱

旨洪武元年擢撫州知府守廉燭理雖庶務煩劇決之如流六年
陞工部尚書七年六月敏同太常寺唐鐸少卿樂禮侍奉天門
上諭敏曰造注酒的竹筒兒與宰牲的車兒都明日做將樣來回
話古人用香燭香所以辟邪氣燭所以破暗夜間祭祀也是求
神於陰的意思如今山川壇內每殿內只澆造兩枝大燭用紅
紗罩着燒鑄兩箇大香爐放在壇兩邊教燒香道士燒香小卓
上只安祝文與祭帛不必上香本年冬出爲江西行省叅知政
事九年復召工部尚書與薛祥迭任 賜以江西田土本年以
疾卒於官遣官祭葬

薛祥字彥祥直隸廬州府無爲州人元季兵亂集義兵保障邑

郡乙未年 太祖駐師和陽祥遂從平章俞通海內附扈蹕渡

江表爲水寨管軍鎮撫越明年丙申克臺城己亥攻安慶壬寅
下江西癸卯復廬州戰鄱陽得侍御黃船與議軍政上語俞乎
章曰汝之功業非薛彥祥不能成就若大總兵攻制上奪姑蘇
下中原凡傳 旨密報惟祥是命洪武元年漕運河南孟津

上遣人謂曰聞有人亡命者潛伏衝要恐來劫掠儻彼衆我寡罔
輕敵時夜半抵蔡河賊果至祥諭之曰汝衆良善也兵亂嘯聚
情出不得已今 聖天子出矣汝等當歸守家業無累妻孥縱
汝有千人不過劫得千石我所部不下二十萬餘待曉縱兵蒐
捕汝衆何逃衆服其言而散 上聞之大喜時祥患背疽 上

親視之亟令醫治願延安侯曰薛彥祥之疾託在汝等慎勿令
憊且嘗言汝歷多軍功當授武職而今用兵山東供億糧餉未
得人汝相從於起事之初固有年矣簡在朕心若古之蕭何寇
恂匡弼漢室不絕糧道欲汝效之特授中順大夫京畿都漕運
使自揚至蔡達濟壩堰皆崩塌疏築晝夜無息欲使均平不施
刑而衆懼不呵叱而衆服雖勞不怨祥諭之曰汝等戮力官家
我奏爾功必得賜爾職衆皆悅從得論功授職者三十餘人時
幽薊初附官民當南遷者皆經淮安饑者食之凍寒者衣之死
者殯之四年辛亥滿考還京淮泗之民祝曰願公再來作我父
母攀轅者遮道山陽海州亂駙馬都尉黃琛俘馘萬餘人皆有

名號誑誤連坐者率皆良民祥與駙馬會問排之曰無名號者
不許妄指由是獲全首領者甚衆八年乙卯 誥授工部尙書
時太師李善長奏鳳陽宮殿人匠斃鎮祥面折曰太師一言壞
天下人若此恐不利於子孫乃分揀無罪活者千數人九年營
謹身殿該部誤奏中等匠作上等 帝怒命有司將罔上者棄
市俾丞相大夫不得復請祥在側奏曰奏對不實竟殺千人因
極言抗諫得令下腐刑祥復奏曰若是成廢人矣莫若杖而復
工 帝可其奏是歲三月改天下行省爲承宣布政使司以北
平爲重邊特授資政大夫北平布政使屬縣有大興民多貧乏
嘗有鬻子女者至卽責問所屬知所自者以俸贖給主一切庶

務嚴於責已薄於責人不尚華飾不妄取不作無益之事三年方面稱治行第一時宰不悅罔以營建擾民坐出知嘉興府十三年胡惟庸伏誅召祥復工部尚書上謂曰姦臣每讒害汝汝何不言祥曰臣罔知所故十四年冬十月以他辜坐累死於杖下

王虎字

入洪武五年擢工部侍郎九年陞工

部尚書十年八月詔建園丘於南郊初園丘在鍾山之陰方丘在鍾山之陽以分祭天地議者以揆之人情未安至是欲舉合祀之典乃命卽園丘舊址爲壇而以屋覆之名大祀殿勅虎同太師李善長督工十二年以事免

趙翥字

河南河南府永寧縣人少有志節識量過人篤志

學問爲時輩推重洪武七年舉儒士授本縣儒學訓導未幾舉
賢良擢太子贊善大夫善於啓迪 太祖嘉之十年陞工部尙

書十一年三月奏准凡在京工匠上工者日給柴米鹽菜若歇
工則停給其工匠役作內府者量其勞力日給鈔貫以償其勞
人皆便之八月奏定天下歲造軍器之數盔甲等項一萬三千
四百六十五件馬步軍刀二萬把率以爲常十一月同中書省
臣議制諸王宮城之圖先是議准諸藩王城高二丈九尺下濶
六丈上闊二丈女牆高五尺五寸城壕闊十五丈深三丈正殿
基高六尺九寸月臺高五尺九寸正門高四尺九寸五分廊房

高二尺五寸王宮門地高三尺二寸五分後宮地高三尺二寸五分正門前後殿四門有城樓立社稷山川壇於王城內西南宗廟於王城內東南改蟠螭爲龍王所居前殿曰承運中曰圓殿後曰存心城四門東曰體仁南曰端禮西曰遵義北曰廣智俱覆以青色瑠璃瓦又定宮城週圍三里三百九步五寸東西一百五十丈二寸五分南北一百九十丈二寸五分制式既定凡遣官起築諸王宮殿城廓悉依此爲之十二年命署刑部事

本年致仕

余文昇字

直隸鎮江府丹徒縣人洪武初舉人才十年

擢明州府知府十二年以才幹薦特拜工部尚書在部無所建

明十三年免

趙俊字

人洪武十四年試工部侍郎十五年

七月陞工部尚書十一月上命修治國子監舊藏書板諭之

曰古先聖賢立言以教後世所存者書而已朕每觀書自覺有益嘗以諭徐達亦好學親儒士囊書自隨蓋讀書窮理於日用事物之間自見得道理分明則所行不至差謬書之所以有益於人也如此今國子監舊藏書板多殘闕其令諸儒考補工部督匠修治之庶有資於學者俊受命督匠監修而古刻始備十七年免

麥志德字

廣東廣州府連山縣人初姓嚴洪武初以孝弟

力田舉授五府斷事累遷叅軍府右叅軍十七年侍臣薦其才
幹特拜工部侍郎試尚書事七月 上諭志德立皇伯壽春王
墓石閏十月永城侯薛顯母卒志德 請以棺給之 上曰公
侯夫人皆賜以棺亦朝廷優待之禮然賜乃 朝廷之恩豈可
請耶自今非奉特旨者不許奏請十八年坐侵盜官物同戶部
侍郎郭桓等伏誅


徐本字復初江西

府

入洪武初由薦舉除嘉興縣

知縣善於撫字每遇東作自爲勸農文出郊課之百姓由此益
重農五年陞浙江行省叅知政事持身廉介蒞政勤明七年乙
亥以異政賜祿米百石本兩任在浙共十餘年惠孚威著民多

慕之十三年陞廣東右布政使十八年召拜工部尚書七月
上諭本等凡聖賢之後犯工役者俱免時孟氏子孫犯罪該工役
故令免之二十一年十月令本等於監前別造房百餘間具竈
釜牀榻以處監生之疾病者撥膳夫二十人給役仍令醫生共
居焉二十二年以事免

潘孟舉字  陝西澄城人洪武中薦舉二十年任二十二年
免

秦達字文用直隸寧國府宣城縣人洪武十八年由國子生取
乙丑進士歷事都察院奉檄清理囚徒寬嚴得體 太祖嘉其
賢能特擢工部侍郎有大興作多不召尚書止召達議十九年

四月議定工匠驗其丁力定以三年爲班更番復赴京輪作每月如期名曰輪班匠行間達復議量地遠近爲班次且置籍爲勘合付之至期齋至工部聽撥免其家徭役著爲令諸匠便之七月 上以達在任公勤詔有司復其家二十年正月 上謂達曰春秋之世人絕廢壞孔子以至聖之資則述六經使先生之道晦而復明萬世有賴功莫大焉夫食菜則思樹藝之原衣帛則思養蠶之始皆重其所從出也孔子之功與天地並立故朕命天下通祀以致崇報之意而闕里又啓聖降神之地廟宇廢而不修將何以妥神靈昭來世爾工部其卽爲修理以副朕懷二十二年陞工部尚書五月 帝以古帝王廟地界通衢

而不嚴乃徒建於欽天山之陽達以是月奏廟功成自三皇五
帝繼以三代兩漢唐宋元勳碩德比侔者列像於庭袞冕輝煌
上甚嘉之二十三年五月詔各衙門掌印官更署改兵部尚書誥
曰兵始黃帝至周爲備國君之軍六諸侯之軍三將率之左右
副將副之偏裨二將叅贊之其征戰將則爲隊長於是乎張九
伐之威天下定民樂泰然將之職有警則受命而行者也其軍
之資給功過之等第必有屬焉故主兵曹以總其務所期甲仗
精旗幟明戈矛必利橋梁舟車無不具備前期清道使無暴尸
則軍士氣壯武勇自備於此之職非忠良之士奚稱此任朕今
以汝達爲兵部尚書爾其敬慎乃職毋怠於事使兵備修明朕

惟爾嘉懋哉未幾復以達爲工部尚書十月因各處弓箭歲造不便奏准令工匠輪班赴京歲造二十四年冬十月丁巳定生員巾服之制襴衫用玉色絹布爲之寬袖皂緣皂縵軟巾垂帶上以學校爲國儲材而士子巾服無異吏胥宜有甄別之命達製式以進上親視必求典雅凡三易其制始定賜監生襴衫縵各一以爲天下先由是士子木冠綽有古風焉二十五年致仕

沈潛字

浙江杭州府錢塘縣人洪武乙丑進士授工部屯

田司主事勤於庶務以明敏稱二十年命試兵部左侍郎二十二年陞兵部尚書二十三年詔各部掌印官更署改工部尚書詔曰昔聖人之世淳朴民俗敦厚宮室什器制不飾華

故所司之工皆無異技奇巧然而功務雖簡其成也必精其
也必當故一舉而無再爲一廢而無再造所以民逸者多勞者
少因是而官稱賢君稱聖後之人受職任事則不然矣凡臨事
之際或務爲濫巧以勞人或假公營私而害政所爲如斯豈有
福臻而愆消者也所以古人重其事而選用必在得人今朕設
工部必法古制特以爾潛爲工部尙書當敬事信工無弊上下
汝爲良哉未幾復爲兵部尙書詳國初兵部

嚴震直字子敏浙江湖州府烏程人器宏識邁魁岸卓異自洪
武四年辛亥東南郡縣歲入田賦齊民戶輸舉以萬石爲額輸
一家長主之不入於官而集於鄉任以徵督之責限以時月轉

輸京師及江北諸郡民便安之法既立或玩侮以後約束或欺
給以病齊民罹刑辟者相踵比屋無善俗郡守縣令亦坐是往
往有獲罪者乃議舉名家篤實長者專掌其事郡縣唯擇得震
直精勵持已和易集事躬行幾二十年罔有纖芥可指歲一入
覲守號令唯謹廉能名譽列郡爲稱首寡過之家多師法焉

十一年十一月 太祖高皇帝素聞其名至是 召至京師將

授以官俄丁內艱請終喪二十三年庚午服闋來 朝卽擢布

政司叅議之職不任之於外留中署通政司事是年夏六月奏

對詳明四方文牘遞遣無稽留冤抑之赴愬者上 請旁達咸

無滯情冬十月改授戶部江西司郎中江西諸郡輸賦不以時

歲徵每不備乃分部二年案文考實推理精明糧凡五百萬有
奇悉完備無違二十四年六月賜新第於崇禮街又且復其家
二十五年壬申春有疾命太醫院御醫戴某治之藥石皆給
於官秋九月陞工部右侍郎二十六年癸酉夏五月奏旨造
柳葉甲鎖子頭盔六千副以給皇城守禦軍士六月轉拜本
部尚書時朝廷營建方殷乃稽古驗今綜理縝密而常有不
備之慮調民夫六十餘萬開鑿臙脂山河道移置五軍都督府
六部諸工守俱不敢自專用事必入奏以行繼而有旨盡集
天下諸工技世藝之家役於京師至者凡二十三萬二千八
十九戶上請戶役其一人父子兄弟不緣及有司傭皆優之

使其勞逸適均又務照諸司役作繁簡更定班次率三年或二年輪當班次人書籍貫本業名氏各持片楮趨赴於京往來便之雖有成命而贊襄之力居多九月里人有告訐其從弟子姪不法事卽以實聞卽命震直自爲按理無所徇獄具上以震直不欺盡宥遣之凡三十餘人居無何部事有忤旨之責卽身任之不及僚屬二十七年正月命震直行文書教天下多栽桑棗每一里種二畝秧每壹百戶共出人力耕燒三遍下種待秧高三尺然後分栽每五尺闊一隴每一戶初年二百株次年四百株三年六百株栽種數目造冊回奏違者全家發金齒充軍冬十二月降旨授北平道監察御史而蘇州府

係焉益釐正百度平反冤滯不剛不茹和平得人常州府民嚴
興年八十餘其子有罪繫刑獄物故來愬冤辭連二十餘人乃
曉以患讐相反覆訟終凶之理其人感動拜謝吐實又憫其年
老不及其誣愬之罪送大理寺審原之北平民閭成郭思成陳
告盜糧繫累百餘人袁關壽以犯禁事皆議斬首遷家罪按察
司具成案來上力辯其誣皆得免凡諸赴逮者剖決無稽留惟
恐獄之不虛也二十八年秋八月廣西龍州趙宗壽襲其叔知
州任不俟 朝命自雄長其地龍州與安南密邇潛懷異謀
朝廷患之用羣臣議但興師問罪龍州遣使往諭安南以觀其嚮
時左右皆畏入安南無不股慄者震直挺然奉 命撫諭入其

王城宣布 恩信俾毋相驚猜毋匿逋逃開示利害甚悉衆莫
敢難國王陪臣皆俯伏聽命合境大悅時邊鄙聳動於兵革之
際從容慰諭卒能成功不辱 君命廷臣多以此重之刑部尚
書楊靖既除名以庶人巾幘使其國徵糧五萬石爲龍州軍餉
乃及其未至宣言楊某久爲秋官威名素著其君臣氣已懾楊
至而糧卽集賴先聲之力耳將還朝王囊黃金白銀無慮數百
兩文幣名香稱是悉却不顧既還沿道驛騎被擾劉都督不禁
家奴爲橫皆劾奏之廣東西鹽運爲官民病上奏減其半二十
九年丙子春三月奉 命復至廣西於是立法接運以通行鹽
州郡商民至今便之其河渠之不利舟行者併屬焉桂林興安

靈渠屯久圯歷朝興修不底於成比至召縣屬審地勢鳩工用計浚源疏流因其故道延袤五十餘里導南北二江南江曰瀉自蒼梧入於海北江曰湘由洞庭轉長江達於京師築堤岸治陡閘以陡名者三十有六修石渠以便行者通石函以利灌溉傍通靈川千秋峽鑿象鼻石峯焚鑿江灘礙舟之石自是往來無虞工不重舉役不苟作備數百年之廢緒可貽永久桂林梧州興安諸文學掾咸備紀述謂秦史祿漢馬援千載之後興復無善繼者至震直當爲三人云歸奏 太祖喜甚謂戶曹盧侍郎迥等曰廣西塘隄昔久不成今老嚴成此巨功朕授任得人矣居廣且幾年每督有司均徭定賦整風振俗貪婪者咸爲斂

跡而錄囚尤稱不濫久旱得雨人以爲決獄無冤所致仕民共
歌之征南之兵民間借牛二千頭於南丹屯種民驅牛以從人
牛俱奪其時牛死且無還理乃請給鈔償其價歸其民大將楊
都督羈師無律及靖江王府監工內人交結爲民害皆移文入
奏僚民嘯聚依險阻者又草檄招撫屢年遁逃皆趨事有司邊
徼以寧王府營建久役民煩苦全州不赴工靈渠者五百人悉
奏免追逮後里中惡少年因震直久外無所懼與其父皆冒法
父在吏子逮未獲將誣人脫已辭連震直長子宗仁及壻莫瀾
刑曹推理事未白長子瘐死 太祖爲罪治獄官特誅惡少年
父子而釋其壻三十年丁丑夏四月還自廣西陞都察院右都

御史嘗謂天下之蹈法者之不可止而獄庭乃民之死地也風紀之原刑法之重尤盡其心臨事獲昭雪者居多兩淮民買食鹽先輸米於官而鹽久不及民米過期不納逋額積至屢年御史分理鹽課唯問來期乃責官吏曠徵之罪赴逮京師者數百人上奏其故皆釋之石灰山關卒二十餘人誣服劫盜罪當誅震直以推讞非實亦皆奏免廣西護衛千戶張申嬖所寵誣其妻兄弟及外母厭蠱罪他御史按之獄且成賴言而事白廣西都指揮同知姜旺有告誥之者監察御史國用承命往按之震直廉知其誣卽奏免問是年楊靖同任都察院太祖以前御史屢更而尤委任之忠言讜論多所聽從每謂其南人北貌

厚福未艾顧語左右屢興嘉歎亦嘗召其三子宗禮等見見後數稱爲佳兒云秋七月監察御史李斌賊事覺問罪不及其全家太祖怒治故出官吏罪初不及震直以身居憲端乃委罪所屬再三叩頭請乃降官監察御史八月復拜工部尚書以舊貫臨政益加敬慎淹滯不舉者指顧間無不畢集案牘之積二千有畸分屬條理皆無違刑辟之徒未論贖以工役及充軍還鄉者四萬五千餘人輕重期限有差卽遞遣之冬十一月重建成均學宮躬覽工緒改造大成殿及門廡閱三月落成旗手衛指揮李忠奏役徒死者當取戶丁以代凡四萬餘人卽與論難而緩其事後悉遇赦免前後任部職治劇劇煩引繩持衡允

迪規制而蒞事精覈智巧詳審已不厭其煩而人譏其過迄不
少變尤以惜民力爲重財用之需不啻若自己出裁判相度惟
慮其有餘以獲遣戾每念起自厖庶遭遇之過未嘗不以盛滿
爲懼爰自拜官以至超轉屢任廩祿終控辭升斗無所取雖累
立巨功被 詔永蠲丁役猶顧謂子孫當竭力以從王事請徐
州馬丁任之又自爲御史卽不居 賜第遷家隘巷賜第且改
主曾未三月火焉後適一日還廣西旣擢都御史有 命卽故
地改創俾居之又以大功旣成身當退屢疏乞致仕隱居湖之
西塞山中壬午夏 文廟入正大統被召入見 命往山西宣
布朕意馳驛至澤州違疾卒於公館

王儁字

人洪武中舉人才授大理寺右評事

二十七年以才識明練特陞工部右侍郎二十八年正月奉

命置皇城四門廚房尋進工部尚書四月奉 詔罰工役死者免

追家屬補役二十九年免

孫顯字

河南汝寧府信陽縣人洪武二十年丁卯鄉舉性

聰敏遇事果決授工科給事中時資獻納稱 上旨二十八年

陞工部侍郎二十九年拜工部尚書在工部無事可考三十年

以事免

鄭賜字

福建建寧府甌寧縣人洪武乙丑進士擢監察御

史二十五年秩滿陞湖廣右叅議尋丁母憂二十七年起復

北平右叅議革除中謀國者以附 成祖責其反覆謫置安東
屯壬午卒 成祖入正大統特起工部尙書時奉天殿爲建文
所焚賜承 命改作奉天殿之西踰月改刑部尙書歷禮部卒
贈太子少師諡文安詳國初禮部

黃福字如錫山東萊州府昌邑縣人洪武甲子得雋鄉闈升胄
監歷項城清涼二邑主簿惠政及民壬申陞金吾前衛知事乙
亥調龍江左衛戊寅陞經歷善於贊畫素有志事功識者皆以
遠大期之是歲四月上章言事爲 太祖嘉納超授工部右侍
郎日見親幸福感激圖報爲政益力譽望日隆壬午六月 成
祖入正大統調左侍郎未幾陞尙書永樂二年奉 命修補國

子監經籍板三年乙酉調北京刑部詳南京戶部

宋禮字大本河南開封府永寧縣人父彬至正末判山西臨州元末遁跡田野國朝洪武中有司以賢良強起爲蜀儀隴令既至官有惠愛於民未幾訃至禮慟哭幾絕輒匍匐將去或止之曰川蜀險遠且今江流暴溢卒未可以去泣曰此其可以緩耶卽日治貲裝水行陸走越數千里始達儀隴奉喪歸葬鄉黨稱孝焉幼穎悟知讀書稍長益有志於學期以自見由是學校以明經充貢禮部補大學生以才能選者皆待以不次歲庚午遂擢山西按察司僉事持法嚴峻鋤奸剔蠹無少貸郡縣百司素貪戾爲培克者皆側足屏息相戒莫敢犯禮於善惡之類苗

蓬髮櫛無所私三晉之間率皆想望其風采以有所庇依癸酉以考滿上天官改除戶部山西司主事遂日治簿書會計之務惟允愈益有聲己卯復除爲陝西按察司僉事其施於政者皆如在山西時而關右所仰望倚賴之者亦若三晉之民焉未幾復入爲刑部員外郎值成祖卽位之初命署禮部事是時詔勅號令封拜朝覲會同宴饗賞賚之事皆出禮官禮酬對捷給咸克稱旨由是擢禮部右侍郎踰月轉左永樂二年陞工部尙書四年奉命修太祖詔書碑亭會北京營建命取材川蜀旣至飭有司率吏民歷谿谷險絕之地凡材之美者悉伐取之由是榷楠杉檜之屬出三峽道江漢涉淮泗以輸於北者

先後相屬嘗得大木於馬湖一夕自行若干步不假人力爭

聞詔封其山爲神木山爲立碑焉七年以秩滿事竣赴京師

賜手勅嘉勞留治冬官其於百工興作繕修之事無不具舉

九年命疏會通河十年復承詔董役四川感疾而卒年六

十有四

菽園雜記云國初定鼎金陵惟遼東邊餉則用海運其時會通河尚通今濟寧在城闕北岸見有洪武三年曉諭往來船隻不得擠塞閘口石碣在至二十四年河決原武漫過安山湖而會通遂淤自是江淮舟船始不至御河矣永樂間肇造北京糧道由江入黃河水運至陽武發河南山西二布政司丁夫旱路搬

運至衛增上船由御河水運至北京亦不可謂不難矣後得濟

寧山知潘叔正建言工部尚書宋禮等提督始開鑿會通河

之建言止言濟寧州往北旱站遞運軍需等項艱苦欲開此河以省民力初未嘗言開此漕運也河成宋尚書建言始定會通河漕運而海運於是乎罷當會通河漕運之初又得平江伯陳瑄於凡海道事宜莫不整頓所以至今京儲充羨不至缺乏者會通河之力開鑿經理以底於成者斯又數君子之力也此書刑部侍郎三原王公恕漕河通志節其要語記之

吳中字司正山東武城人國子生永樂五年任詳工部尚書